

粵雅堂叢書

粵雅堂叢書

國策地名考卷五

歙 程恩澤 纂

溧陽 狄子奇 箋

齊

下

徐州

本策楚威王戰勝於徐州章高注徐州或作舒州是
時屬齊鮑注後志魯之薛六國時曰徐州恩澤案徐
州有三說地理志勃海郡有東平舒縣正義曰卽徐
州也爲齊西北界上地江永曰東平舒在今順天府

大城縣界此齊之極北與燕界者也齊履北至無棣
與東平舒並屬勃海郡則其北境得至此史記齊威
王曰吾臣有黔夫者使守徐州則燕人祭北門趙人
祭西門此正是東平舒接燕而近趙之地故燕趙畏
之而祭門

顧炎武以此爲誇詞

若是薛城去燕趙甚遠又何畏

哉皇極經世書陳恆事明朱隱老注引正義東平舒
之說當從之此一說也竹書紀年梁惠成王三十一年
下邳遷於薛改名曰徐州顧炎武曰今滕縣之南
薛河北有大城田文所築也此又一說也說文邾邾

下邑魯東有郛城其地近郛而非卽郛也段玉裁曰
是時郛爲齊滅不得至魯頃公十九年尙爲魯有蓋
國策之徐州本郛也非郛也郛徐聲近凡史記齊世
家楚圍我徐州楚世家敗齊於徐州越世家與齊晉
諸侯會於徐州魯世家楚伐我取徐州皆指郛言此
當從後說

郛

東周策謂郛公曰章高注郛齊邑田嬰封於郛號靖
郭毛君今屬魯國鮑注同

恩澤

案漢志魯國有郛縣

本仲虺國戰國時為齊所滅先滅薛以遷邳後又滅邳以封田嬰封田

嬰於此謂之薛公今在兗州府滕縣南四十里正義作四

十四里胡三省以薛為薛陵非是洪亮吉曰薛陵在今

陽穀縣東北

靖郭

本策靖郭君將城薛章原注田嬰諡正曰索隱云靖

郭或封邑號漢齊王舅父駟鈞封靖郭侯恩澤案史

記文帝本紀封齊王舅父駟鈞為清漢書作靖郭侯惠景

間侯者年表有清郭王氏本作清都監本作清源俱誤如淳曰邑名

六國時齊有靖郭君靖音靜錢大昕曰杜佑謂戰國之際權設班寵有加賜邑封君者蓋加其位號或空受其爵如靖郭武安之類以言武安則可以言靖郭則不可

按考異所引卽索隱之說惟史記徐廣注云清都一作鄆苦堯反索隱云漢表作鄆鄆屬

鉅鹿又云鄆太原縣與國策注所據不同蓋初封清郭後乃徙封於鄆其或在鉅鹿或在太原則未知孰是以徐廣注推之當主鉅鹿漢志鉅鹿郡有鄆縣今爲東鹿縣鄆縣故城今在趙州二地相近

嘗

本策靖郭君善齊貌辨章孟嘗君又竊以諫原注孟嘗君邑名在僻旁按詩居常與許卽此嘗也

恩澤

案

孔疏常魯南鄙鄭箋常或作嘗在薛之旁六國時齊

有孟嘗君食采於薛管子小匡篇管仲勸桓公親諸

侯反其侵地故歸魯常潛

國語常作堂洪頤煊經義叢鈔以常與棠通卽春秋

公矢魚於棠之棠按棠爲今魚臺縣非此地

史記越世家願齊之試兵南

陽

此南陽卽泰山之陽

莒地以聚常郊之境索隱常邑名卽田

文所封

或云越世家之常卽春秋傳晉會吳子於良之良也漢置良城國在今邳州北六十里似

非一地

或以爲諡非是路史嘗在南陽田文之封今滕

縣薛城

括地志薛城周二十八里堅厚無比

南十里有孟嘗集或云卽

古嘗邑近志以史記公孫宏傳有菑川國薛縣誤文

因以淄川爲田文封邑謬矣

見日知錄

成

本策成侯鄒忌爲齊相章高注成邑鄒忌封補曰史
曰封以下邳號爲成侯

恩澤

案成本魯地春秋桓六

年公會紀侯於成杜注在泰山鉅平縣東南後爲孟
氏邑在齊南魯北境故曰墮成齊人必至於北門史
記齊宣公四十八年田和取魯成邑卽此漢置鉅平
縣屬泰山郡括地志鉅平城今爲故城社汶水經其
東上有文姜臺其東南卽魯之故成邑今兗州府寧

陽縣東北九十里有鉅平城或鄒忌先封於此又益封下邳也

剛

史記作綱

魏策穰侯攻大梁章攻齊得剛博以廣陶原注並屬泰山補曰括地志故剛城在兗州龔邱縣界

恩澤

案

地理志泰山郡有剛縣故闡郡國志屬濟北國應劭曰剛城故闡邑也徐廣曰濟北有剛縣京相璠曰剛縣西四十里有闡亭杜預春秋釋例闡在剛縣北剛城東有一小亭今剛縣治俗人又謂之闡亭章懷太

子曰故剛城在龔邱縣東北

寰宇記同

今寧陽縣東北三

十五里有剛城史記秦昭王三十六年取齊剛壽剛

卽此

壽謂壽張正義曰鄆州縣

平陸

本策燕攻齊章楚攻南陽魏攻平陸齊無南面之心

恩澤

案地理志東平國有東平陸應劭曰古厥國郡

國志東平陸六國時曰平陸水經注汶水西南逕東

平陸故城北元和志中都本魯邑定公以孔子爲中

都宰故城在今縣

唐志中都縣

西三十九里

水經注引郡國志曰須昌

縣有致密城古中都也卽夫子所宰之邑矣在平陸縣西漢以其地爲東平陸縣

太平御覽鄆州中都縣漢爲平陸縣史記魯敗齊師於平陸卽此今兗州府汶上縣西北有平陸故城

右壤

同上且棄南陽斷右壤存濟北計必爲之原注右壤

謂平陸

恩澤

案齊右壤策凡兩見在秦策者

頃襄王二十年

章齊之右壤可拱手而取也

當據全齊言正義右壤謂淄

原本作渭疑誤

州之南北胡三省曰謂濟西之地是也此右壤專據平陸言索隱曰齊右壤之地平陸是也各就本文審

之

南陽

見上原注荊州郡時屬齊補曰索隱云南陽卽齊淮
北泗上之地

恩澤

案此南陽在泰山之南趙岐孟子

注泰山之南謂之南陽貨殖傳泰山其陽則魯其陰

則齊當是其地

全祖望曰自齊言之則謂之南陽山
南曰陽也自魯言之則謂之汶陽水

北曰

陽也在今新泰寧陽一帶正與平陸相近故牽連言

之公羊傳高子將南陽之甲孟子遂有南陽皆此也
鮑以爲荊州郡固謬吳云卽淮北泗上之地亦似太

遠顧祖禹謂今鄒縣西三十里有平陽城卽齊南陽
邑則又太偏矣

阿

秦策謂魏冉曰章宋衛乃當阿鄆

本作甄按鮑注云史作甄則此當是

鄆字耳原注阿今濟北東阿齊之阿邑

恩澤

案阿有二

屬趙者爲西阿

卽葛城

在今直隸保定府安州史記趙

與燕會阿是也屬齊者爲東阿

史記趙與齊戰阿下乃西阿也高士奇以

爲卽東

本春秋柯邑

杜預曰柯之爲阿猶祝柯今爲祝阿也

莊十三年

公會齊侯盟于柯是也

此與襄十九年叔孫豹會晉土句盟於柯非一地彼柯在

今河南彰德府內黃縣東
北境高氏令而一之亦非
又名阿澤襄十四年敗公

徒于阿澤是也
杜預曰濟北東阿縣西南大澤
戰國時爲阿史記齊

威王烹阿大夫是也漢志東郡有東阿縣括地志漢

東阿縣在東阿縣西南二十五里
元和志作西十二里
今在兗

州府陽穀縣東北五十里阿城鎮宋開寶八年遷縣

治於今東阿縣
屬秦安府
之南穀鎮而故城遂墟
宋東阿縣乃春

秋穀邑漢爲穀城縣今名舊縣有項羽墓自宋以來
又經數徙錢坫謂漢東阿縣在今東阿縣西南疑誤

羸

同上千乘章羸博之閒地坼至泉原注二縣屬太山

恩澤

案春秋桓三年公會齊侯于嬴杜注今泰山嬴

縣漢志嬴屬泰山郡是也元和志後魏移古嬴縣於

萊蕪縣

即今縣治

唐貞觀初省入博城長安四年以廢嬴

縣置萊蕪縣

寰宇記同

後漢書注嬴故城在博城縣東北

括地志同

今在泰安府萊蕪縣西北四

方輿紀要作二

十里或云

大事表主此說

在泰安縣東南五十里江永曰各據其地望

言之實一地此說非也左傳公會吳子伐齊五月克

博壬申至於嬴博即博城縣在今泰安縣東南三十

里吳魯伐齊自南而北若嬴又在博南二十里斷無

先至博而後至嬴之理惟嬴在博北故旣克博復深入折而東乃至於嬴當以魏王泰章懷太子賢說爲是

按萊蕪在泰安正東一百二十里萊蕪之西北正泰安之東北也若在泰安東南則亦當在萊蕪西

南矣

博

見上

恩澤

案漢志泰山郡有博縣

劉昭注有龜山有龍鄉有蜀亭皆魯

地

檀弓葬於嬴博之間國語遵汶伐博皆此地漢初

亦曰博城

呂后封馮無擇爲博城侯卽此

括地志博城縣本漢博城

縣城是也今在泰安府泰安縣東南三十里